

Unter-  
schiedliche  
Straffen  
der Hure-  
rey.

daß solches Laster dermassen bey jedermänniglich verhaßt ist/ daß man auch denen/ so vber Gewalt/ die jnen an dergleichen orten angelegt/ klagen wolten/ alles Recht versaget. So ist auch solchs in den beschriebenen Rechte gar ernstlich verbotten: Wie es den bey vnterschiedlichen/ auch Barbarische Völkern mit grossem Effer ist gestrafft. Die Römer haben ex lege Iulia die Hurerey mit vnterschiedlichen Straffen belegt: die Leprei stellten diejenige/ so darinn begriffen/ drey Tage lang an einen Pranger/ allda sie ihnen solche ganze zeit vber allerhand Spott antheten: die Gortinei setzten ihnen zum Spott auff einen öffentlichen Schawplaz eine wüllene Krone auff: die in Attide schleiffen sie durch alle Pfügen vnd Cloacken/ so in der Statt waren/ vnd liessen sie darnach also besudelt/ stinckendt vnd besalbet widerumb zu Hauß ziehen. Auch Marcialis selbst/ der sonst ziemlich grob vnd ungewaschen/warner seinen Freund

Gallum mit fleiß darfür/ in nachfolgenden Versen:

Subdola famosæ moneo fuge retia mœchæ,

Lenior ô conchis Galle Cytheriacis:

Das ist:

Der verschlagnen Huren Tüfel vnd Eiß/ Gleich Galle, wie leicht du sonst bist. So sollen sie auch bey sich selbst wissen/ mit was Spott vnd Schande sie bey solchen Leuten auß vnd eyngehen/ wie man mit Fingern auff sie deutet/ wie man sie verlachtet/ wie vbel man von ihnen redet: Vnd können sie sich nimmermehr so wol verbergen vnd verschleichen/ daß sie nicht bißweilen außgespöhet/ vnd mit grossem Spott von der Oberkeit auffgehoben werden/ da es alsdann etwas rauher herauß gehet/ vnd sie wenig Staub auff dem Rücken behalten. Dieses sey also genug von solcher Gesellschaft/ wollen vns weiter nach andern vmbsehen.


### A N N O T A T I O

#### Vber den Sechs vnd neunzigsten Discurs.

Von Buhlern findet man etwas bey Petro Crinito, lib. 16. de Honestâ disciplina, c. 4. vnd bey Celio Calcagnino, fol. 64. 78. 418. vnd 490. desgleichen bey Rhodigino, lib. 9. c. 24. vnd 25. lib. 10. c. 52. lib. 16. c. 15.

### Der Sieben vnd neunzigste Discurs.

#### Von Schiltwachten vnd Rundschaftern.

 Je Wachten vnd Schildwachten werden im Kriegswesen nicht allein zur vbung/ sondern vil mehr zur eussersten vnd höchsten Nothdurfft gehalten: vnd haben die Capitanen/ die derselben nicht fleißig in acht genommen/ selten etwas gutes vnd rühmliches außgerichtet/ sintemal die gewöhnliche vnd gebürliche Wachten/ so von den Hispaniern *Veladori*, vnd den Franzosen *Gardes de nuit* genent/ gleichsam dz Leben der Statt/ Kriegsherrn/ Vestungen/ Anfurten vñ Flüssen sind/ wie denn deshalben auch von Salomone geschrieben/ daß er in fleißiger verordnung der Wachte in seinen Stättē/ seine sonderliche vnd hohe Weißheit vnter andern erwlesen hab/ da gesagt wird: *Inuenerūt me vigiles & custodes per noctem*: Es habē mich die Nachtwächter gefunden. Vñ hat man in allen belägerungen von altersher biß auff den heutigen tag allzeit zum fleißigste darnach getrachtet/ dz an allen orten fleißige Wachten vñ Schiltwachten gehalten würden/ alsdadurch alle Eiß vnd Anlauffen des Feindes verhütet wtrdt/ Dannenher Salustius in seinē Catilina

vermeldet/ daß alle Anschläge des Catilina durch solche fleißige Wachten/ so zu Rom gehalten/ seyen zu nicht gemacht worden/ da er sagt: *Et ab incēdio intelligebat vrbē vigilis munitam*: das ist: Er vermerckt wol/ daß die Statt für eynlegung eines Brands durch die Nacht oder Scharwachten gnugsam verwarret were. Desgleiche lest er es auch in seinē Luthartha nicht gut seyn/ da man in einem Läger nachlässig in den Wachten ist/ da er vnter andern sagt: *Sed neq; more militari vigilie deducebatur*: dz ist: Man führet auch nicht die Wachten auff nach Kriegs erforderung vnd gebrauch. So rühmet auch Liuius diejenige/ welchen dz Capitoliū zu Rom zu verwarren befohlen gewesen/ nit sonderlich/ da er von jnen sagt/ Daß nit allein die Hunde/ sondern auch die Wächter in der Französischen belägerung so hart geschlaffen/ dz die Franzosen dasselbig vnvermercket besteigen können/ biß sie endlich durch dz städern der wachende Gänse verrathen/ dardurch gemelte Wächter auffgeweckt/ vnd sonderlich Marcus Manlius, welcher sie mit gewalt zu rüch getrieben/ vnd dannenher den Namen bekommen/ dz er Capitolinus genennet